



05497

大全集序



故嘉議大夫戶部侍郎翰林國史院編修官授諸

王經青丘先生高啓文集一十八卷舊一千若干篇

再選乃篇為王存厚字用理之所廣也用理既

法顯廣流建史集乃以崇昌昌謹為序之曰夫將以

道救當世之弊則必著於言焉庶幾

六經更聖人之手其言粹

然一出於正要之所以存鑒戒者亦多聖人既歿縱

橫押闔之說興大道幾微漢廣游學之路董生賈誼

始各以其學自見著書數千萬言沉雄簡奧其明先

大全集序

王之道陳當世之務略備矣唐韓愈起力變八代之

衰習故其言惟醇而杜甫李白又各以其學自見明

王道具時政謂之詩史宋歐陽修博學力行本論之

言有益於治至朱元晦則根據六經之旨攘斥百氏

之非歸然為世儒宗其大要使人審王伯之略致義

利之辨而已今諸家之言具存考之可知用之猶尚

可行也蓋三代而下漢唐宋之所以聳德著業而繼

焉以稱治者有賴於是焉先生生元丙子少稟神慧

長讀六經諸家之言融而通之會而成之又取而力

行之其發之於言則浩乎如大川之決防也鏘乎如

洞庭之張樂也儵乎如幽壑之舞蛟也致之於用則如射者之於的準乎其無疑也然值國步之旣仄不苟於用隱於青丘登高望遠撫時懷古其言多激烈慨慷若將於世無足爲者及我太祖高皇帝定鼎建業肆詔徵賢先生起與元史之修錄善醜惡儒者之功庶幾彰施史成授諸王經進戶部侍郎尊顯極至先生感之力頌先王之道以匡濟世務言多雄偉奇古足以聳張德業裨益治化時甚賴之未久即辭去後亦蹇連以死嗚呼殆天所以厄斯文也嘗竊論焉天道惡滿取之不可以全然誣其身則必信其聲

大全集序

二

是以董賈貶逐而名長甫白窮放而詩傳韓愈歐陽修朱元晦雖號通顯而未免罷斥然其言至於今誦習而師承者不衰正柳宗元所云生而不遇死則垂聲者衆也先生死始三十有九使少優游而待之則得將止於是乎言將止於是乎行將止於是乎嗚呼天實爲之謂之何哉用理師學於先生之言得之旣深遂勒圖傳之亦使聞者考之而可知見者用之而可行以明其言之果有賴於世也嗚呼厚矣

景泰元年庚午冬十二月望日賜進士出身吳劉昌

序

高太史傳

高啓字季迪吳郡人生元丙子少警穎力學遂工於詩上窺建安下逮開元大曆以後則藐之天資秀敏故其發越特超詣擬鮑謝則似之法李杜則似之庖丁解牛肯綮迎刃千彙萬類規模同一軌山龍華蟲如其貴也象犀珠玉如其富也秋月冰壺如其清也夏姬王嬙如其麗也田文趙勝如其豪也鳴鶴翔雲如其逸也仍和陶韋大羹玄酒之味不闕二宋粟布之征所謂前齒古人於曠代後冠來學於當時者矣東吳騷雅士悉推之無嫌爲文尚氣多辨難攻擊之

高太史傳

一

體讀之疊疊忘倦大抵以先聲掩其兼美張士誠有浙右時羣彥多從仕者啓獨挈家依外舅周仲遠居吳淞江上歌詠終日以自適焉陪臣饒介之丁仲容輩以詩自豪及見啓爲歎服啓尤好權略論事聳人聽故與饒如授左契定交者若王彝揚基杜寅張憲張羽周砥王行宋克徐賈之徒胥不羈贍才爽邁有文談辨華給憫然以爲天下無人一時武勇多下之明興以某臣薦借謝徽等聞於朝與修元史授翰林國史編修官復命教授諸王久之推任喉舌之司待以不次與徽等懇辭乞歸田里制可仍賜金以還復

居江上遨遊青丘甫里之墟始號槎軒又號青丘子  
銳志亦不少衰矣居幾何忽從故時一二俠人遊於  
郛適江夏魏觀爲郡老而好士延見王彝輩啓嘗會  
於京尤禮遇之不得已亦廂爲客復強辭之歸故里  
殊悒悒不樂遂蹇連以歿年甫三十九嗟乎使啓少  
延則駸駸入曹劉李杜之壇矣止此哉其詩類藁藏  
於家未即顯初富商陳寶生欲爲壽諸梓啓不許乃  
止凡傳錄而誦之者無不歆羨必不泯焉予與啓同  
里知其人爲詳故特爲傳以貽不朽云

洪武乙卯二月隴西李志光書

高季迪先生大全集總目

卷之一

樂府一百零三首

卷之二

樂府六十八首

琴操四首

辭三首

三言一首

三四言一首

大全集總目

卷之三

五言古詩八十八首

卷之四

五言古詩八十四首

卷之五

五言古詩六十八首

卷之六

五言古詩九十一首

卷之七

五言古詩五十八首



卷之八

七言古詩四十二首

卷之九

七言古詩四十三首

卷之十

七言古詩四十九首

卷之十一

長短句體四十一首

卷之十二

五言律詩一百八十三首

大全集總目

卷之十三

五言律詩七十九首

五言排律二十三首

卷之十四

聯句六首

六言律詩九首

七言律詩七十一首

卷之十五

七言律詩一百五十首

卷之十六

五言絕句一百八十八首

卷之十七

七言絕句一百六十一首

卷之十八

七言絕句一百六十三首

青丘高先生所著詩甚夥當時行世者有吹臺集  
岳鳴雉江館集鳳臺集婁江吟稿姑蘇雜詠等編  
明景泰間徐用理先生彙而刻之共得樂府近體  
詩一千七百七十餘首名曰大全集凡使後之賞  
音者無遺珠之歎云爾自後簡編銷蝕傳者絕少

大全集總目

三

獨岳鳴一集已刊行於世較之茲刻詩僅十之五  
六而姑蘇雜詠不與焉今板已漫滅頗多舛譌披  
覽之下不無遺憾乙亥春購得茲本因而重加校  
讎其間序次悉遵原板間有闕文一二亦姑仍之  
而未敢遽改嗚呼既備一家之言又無三豕之謬  
可謂盛矣不敢獨秘公之同好至於詩格高妙則  
自有知音者在奚煩予之贅言

竹素園主人謹識



高季迪先生大全集卷之一

古樂府

上之回

聖主重行幸。六蚪法乾旋。北巡初避暑。東祠已祈年。  
羣官從清塵。粲若星麗天。前揚豹尾竿。左靡魚須旃。  
瀚海通漢月。蕭關絕胡煙。願奉千齡樂。皇躬長泰然。  
君子有所思行

騁望京輔地。金城千里餘。峩峩松柏陵。靄靄桑柘墟。  
明堂表青陽。飛觀切紫虛。况有戚里第。高樓夾清渠。  
愛妾舞羅縠。嬖奴鳴珮琚。東園賜祕器。上林乘副車。  
玄運有恒旋。盛時無久居。勿嗤城南巷。寂寞揚雄廬。

李夫人歌

延年罷歌少翁望。蘭芬淒淒銷復帳。臨歿最難忘。歛  
歔不相嚮。陳杯觴。列燈火。是耶非。幄中坐新宮。漏殘  
星欲墮。

古別離

他人豈不別。所別諒有由。嗟君今何營。輕薄好遠遊。  
遙遙京洛車。汎汎江漢舟。君身非賈胡。所至自輒留。  
徽音已冥逝。思懷尚綢繆。露滋紅蘭春。霜變綠桂秋。

此時望歸來。含情上高樓。川途本無限。君去焉得休。  
願令中斷阻。化彼山與丘。

燕歌行

清商變節朱火違。嚴霜塗庭卉木彫。邊城早寒未授衣。  
念君遐征不能歸。涼風時來動中闈。蠍蛸在戶熠燿飛。  
賤妾宵興歎無依。簪珥不施減容輝。欲寫憂思撫瑤徽。  
君今不在聽者稀。啓明未出燈已微。愛而不見徒歔歔。

吳趨行

僕本吳鄉士。請歌吳趨行。吳中實豪都。勝麗古所名。

大全集卷一

二

五湖洶巨澤。八門洞高城。飛觀被山起。游艦沸川橫。  
土物旣繁雄。民風亦和平。秦伯德讓存。言游文學成。  
長沙啓伯基。異夢表休禎。舊閩凡幾家。奕代產才英。  
遭時各建事。徇義或騰聲。財賦甲南州。詞華竝西京。  
茲邦信多美。粗舉難備稱。願君聽此曲。此曲匪誇盈。

南山有鳥

南山有鳥北山羅。兩地一失驚風波。哀鳴獨宿心靡他。  
竟抱幽恨歸山阿。不及山上松。纏綿同女蘿。君歸來聽妾歌。  
相思感君情意多。贈君明珠淚滂沱。死生茫茫終奈何。

玉波冷雙蓮

金風暮剪雙頭藥。啼臉辭秋。媽血紫宮女。三千罷笑。喧錦雲障。冷鴛鴦死。滿江煙玉流古。香尋魂弔影愁。茫茫吳天墜露。衰紅溼。一夜波涼小龍泣。

藥秀葯華

春香上羅襦。暗引蘭橈渡。蝶散掩紅房。王孫歸已暮。斜條拂蛾鬢。采擷同芳杜。脈脈雨煙濃。江臯斷腸路。

吳鈞行

吳鈞若霜雪。吳人重遊俠。罇前含笑看。上有仇家血。

短歌行

大全集卷一

三

置酒高臺。樂極哀來。人生處世。能幾何哉。日西月東。百齡易終。可嗟仲尼。不見周公。鼓絲拊石。以永今日。歡以別虧。憂因會釋。燕鴻載鳴。蘭無故槩。子如不樂。白髮其盈。執子之手。以酌我酒。式咏短歌。爰祝長壽。

白篇

直起注

白馬銀鏤鞍。流光皎如練。龍沙積雪裏。一去誰當見。昨日羽林兒。獨拜建章殿。天子親賜與。騎向交河戰。疾驅不辭家。恐獲逗遛譴。萬里倏若飛。神速虜難變。前收日逐屯。右斷康居援。事定入關來。箴中有餘箭。

宛轉行

宛轉復宛轉宛轉日幾迴君賜鹿盧斷我賜車輪摧  
長門怨是六朝怨

憎寵一時心塵生舊屋金苔滋銷履迹花遠度鑿音  
暮雀重門迴秋螢別殿陰君明猶不察妨極是情深  
班婕妤

微誠雖可守妙舞却難工已別增成舍初來長信宮  
扇歸秋篋裏燭滅夜帷中莫忘爭新寵曾辭玉輦同

閻闔篇

天門迎旭開紫霞八表洞達春無涯閻道縈迴度鸞  
車羽旗揚彩鐘鼓擗後宮三千人秀色掩盡世上花

大全集卷一

四

宸遊時過廣成家瑤觴再壽盛靈華一仁興萬福加  
何須慕神仙辛勤鍊丹砂小臣微詞欲拜獻帝德自  
大非為誇

塞下曲

日落五原塞蕭條亭堠空漢家討狂虜籍役滿山東  
去年出飛狐今年出雲中得地不足耕殺人以為功  
登高望衰草感歎意何窮

折楊柳歌詞二首

高枝拂翠幃低枝垂綺筵春風千萬樹此樹妾門前

其二

江頭橫吹悲北客，休南去聞道武昌門。愁人無別樹，空侯引江上流河

濁流赴海東，若傾津卒刺。船朝不行，公乎提壺徑欲渡。大聲呼公公，不顧飢鮒饑蚊肆。啖吞竟以深淵作高墳，貪生惡死誰不有。公獨不然，果狂叟二十五絃。彈且歌，公今渡河將奈何。公今渡河將奈何。

將進酒

君不見陳孟公，一生愛酒稱英雄。君不見揚子雲，三世執戟徒工文。得失如今兩何有，勸君相逢且相壽。試看六印盡垂腰，何似一卮長在手。莫惜黃金醉青

大全集卷一

元

春幾人不飲身亦貧，酒中有趣世不識。但好富貴亡其真，便須吐車茵。莫畏丞相噴桃花，滿谿口笑殺醒遊人。絲繩玉缸釀初熟，搖蕩春光若波綠。前無御史可盡歡，倒著錦袍舞鸚鵡。愛妾已去曲池平，此時欲飲焉能傾。地下應無酒壚處，何苦寂寞孤平生。一杯一曲我歌君續，明月自來不須秉燭。五岳既遠三山亦空，欲求神仙在杯酒中。

雨雪

雨雪暗桑乾，深愁沒馬鞍。臨關將月認，覆磧作沙看。不阻胡兒獵，聊供漢使餐。春風消不得，三月戌袍寒。

其二

雨雪暗龍沙，愁陰入漢家。恨迷青冢草，驚見黑山花。  
夜積瓊廬重，朝隨羽旆斜。空思鳩鵲觀，柳色變年華。

羅敷行

陌上三月時，柔桑多綠枝。攜筐行采葉，日暮畏蠶飢。  
君來駐車馬，相逢在桑下。謾說同心言，不是知音者。  
君貴多輝光，妾賤無紅妝。自信田間婦，難從天上郎。  
長安畫樓宇，無限如花女。使君當早歸，莫共羅敷語。

當壚曲

光豔動春朝，妝成映洛橋。錢多自解數，箏澀未能調。

大合集卷一

六

花如秦苑好，酒比蜀都饒。深謝諸年少，來沽不待要。

遊俠篇

遊俠向何處，蕩蕩長安城。城中暮塵起，殺人無主名。  
所殺豈私讎，激烈為不平。新削安陵刃，光奪衆目明。  
不畏赤棒吏，里閭自橫行。灌夫託為友，袁盎事以光。  
負氣不負勢，傾身復傾情。笑顧少年輩，瑣瑣真可輕。

關山月

月出遼海東，朔雲捲胡風。纔升榆塞遠，復照柳城空。  
影滿雕弧外，光沉金柝中。思家舉頭望，今夜一軍同。

鞠歌行

玉蘊彩劍閔鋒牛鐸之音混黃鐘俾神奇作妾庸揚  
微察陋世罕逢物有合勢必從如魚得水雲與龍夷  
吾囚伊尹農二主舉之享萬鍾嗟古人孰繼蹤女子  
猶爲悅已容

古詞

妾刀不斷機即行當早歸還將機中錦作即身上衣

王明君

都門凡拂春風面臨別看花淚如霰君王惆悵惜蛾  
眉不似前時畫中見白髮呼韓感漢恩寧胡謾號關  
支尊羶裘肉食本異俗不如但嫁巫山村黃沙白雪  
無城關手冷鷓弦夜彈歇相隨萬里到穹廬只有長  
門舊時月妾語還憑歸使傳妾身沒虜不須憐願君  
莫殺毛延壽畱畫商巖夢裏賢

烏夜啼

啼鳥驚多棲未久半起疎桐上高桺燈下佳人顰淺  
眉機中少婦停織手月入空閨夜欲深數聲猶似聽  
君琴

行路難

君不見盤中鯉暫失風濤登組几君不見枝上蠅纔  
出糞壞凌雲霄推移變化詎可測勿謂明日同今朝

出乘高車入大馬。半是當年徒步者。范叔曾逃客。溺  
餘衛青亦在人。答下悠悠行路莫相欺。爲此爲雄未  
可矣。

其二

危莫若編虎須。險莫若觸鯨牙。行路之難。復過此。前  
有瞿塘後褒斜。杯酒朝驩。矛刃夕加。恩仇反覆。間楚  
漢生一家。釣弋死雲陽。鴟夷棄江沙。所以賢達人。高  
飛不下避罔罟。行路難堪歎嗟。

其三

雕牀玉案刺繡茵。宜城酒多光照春。坐留北方之上

大全集卷一

八

客歌侑南國之佳人。盛時祖流若川水。榮貴長存竟  
誰是。魏帝高臺碧瓦空。梁王故苑黃塵起。世人傾奪  
首未廻。可憐不飲冢纍纍。三詩在右。若忘謗者自記。

劉生

結客諸陵下。平生好掛鞭。鶉瑩白楊刀。鵲驚黃柘彈。  
投瓊遠邸夜。擊筑高樓旦。念無可報恩。空推車。辭歎

怨歌行

妾始充下陳。嬌容常自持。上宮三千妓。一一妒蛾眉。  
絃急有斷聲。鏡暗無妍姿。遂令開時花。遽作落後枝。  
昨夕歌吹歡。今夕蛩語悲。從來班婕妤。不勝趙昭儀。



雉子班

雉子班。雉朝陽。低飛蓬蒿隱文章。五步一啄。干彼山梁。爭雄決鬪。憤氣張。好勇守介性之良。安能受馴畜。斂翼自摧傷。

蒿里

素驂駕廣柳。蕭蕭出城闈。玄廬儼象設。猶恐死有神。古原閉愁窻。荒草不得春。一作泉下客。長違室中親。昔興每待旦。今卧焉知晨。斂衣已成灰。合貝仍作塵。家門諒不遠。欲歸竟何因。平生所愛物。娛玩由他人。哀哉此里中。同逝壯老均。聖賢亦豈免。聞道庶可珍。

大合集卷一

九

薊門行

行行光祿塞。望望單于臺。天寒水草盡。萬里孤軍來。中國多荒土。窮邊何用開。

巫山高

巴江西上巫峽深。奇峰十二江之陰。陽雲高臺不可尋。但見丹楓碧樹攢幽林。昔聞瑤姬在其下。月爲環珞風爲襟。空山久獨居。偶感襄王心。楚宮閉秋夢。彷彿來同衾。神仙會遇當有道。豈效世俗成荒淫。千秋遺賦應多恨。暮雨蕭蕭後自吟。

上畱田

有弟兄不見憐。上畱田。行泣念彼先人。上畱田。弟寒衣不蔽身。上畱田。兄富出乘華。上畱田。死而棺槨不全。上畱田。他人爲葬古原。上畱田。我行見此孤墳。上畱田。白楊一何翻翻。上畱田。人生孰無弟。昆上畱田。爾獨大義不敦。上畱田。鄰人之歌。悲不可聞。上畱田。

董逃行

史侯稱臣董侯立。山東義師烽火急。羌兒夾輦奉西遷。百姓驅隨棄村邑。華圭苑中高作營。千里不復聞雞鳴。舊宮焚燒無片瓦。黃金盡出諸陵下。長安城頭小。欲晡董逃歌。殘歌布乎。

大全集卷一

十

碧玉歌

碧玉小家女。初無珠翠妝。感郎相顧重。朽質自生光。

堂上歌行

堂上歌。歌南山主人爲歡仰。客顏翠帷夜卷出。兩鬟移尊更飲花。樹間花樹間。有明月。客不醉。歌不歇。

隴頭水

人間何處無流水。偏到隴頭愁入耳。夜雜羌歌明月。中秋驚漢夢。空山裏。隴坂崎嶇九迴折。聲隨到處長鳴咽。欲照愁顏畏水渾。前軍曾洗金創血。回頭千里。

是長安征人淚枯流不乾

少年行

官侍長揚拜夕郎况憑內寵在椒房賜金十萬身無用乞作胡姬一日妝

其二

下直平明出禁門笑提博局伴王孫寶刀不敢將輸却明日沙場欲報恩

芳樹

葳蕤映華鬪窈窕臨清沼風姿巧弄春露氣微含曉垂條拂過騎翳葉畱歸鳥忽憶共攀人徘徊行獨遠

大合集卷一

十一

放歌行

泰山玉檢書成功芝房正奏甘泉宮漢家五葉號全盛有似白日初當中雄雞天上啼清曙春滿咸陽萬家樹諸侯客子盡西來只道明時苦難遇褐衣不脫見至尊立談一刻皆承恩賡詩已上柏梁殿獻賦還過金馬門大道易登平若砥始信青雲纔尺咫共喜巖徐得寵榮未容絳灌生讒毀丹詔仍聞訪草萊皇心務欲攬羣材嗟君猶在新豐邸日暮空歌歸去來

空城雀

空城雀何局促城頭飛城下宿百匝得一枝千啄逢

一粟衆雛隨啾啾。所欲各易足。不須羨被珍羽禽。翻  
翻高集珠樹林。一朝身陷虞羅裏。回首空城不如爾。

相逢行

沽酒渭橋邊。平陵俠少年。相逢各有贈。寶劍與金鞍。

妾薄命

寂莫復寂莫。秋風吹羅幕。玉階有微霜。桂樹花已落。  
昔爲卷衣女。承歡在瑤閣。棄魚感淚多。當熊慙力弱。  
寧知色易老。難求黃金藥。宮深去天遠。憂思將何託。  
君恩非不深。妾命自輕薄。微軀願有報。和親死沙漠。

神仙曲

大全集卷一

十三

上清真人古仙子。保神鍊魄從無始。眉上霜毫如髮  
長。幾見金烏日中死。東遊不肯居蓬萊。滄海頃刻飛  
黃埃。金輿玉座儼何處。鬱藍天上彌羅臺。碧桃落盡  
花無數。一笑虛空卷煙霧。烏篆玄文世莫窺。茂陵還  
掩蓬科露。

結客少年場行

結客須結遊俠兒。借身報仇心不疑。千金買得利七  
首。摩挲誓許酬相知。白馬纓胡纓。行人盡止朝遊  
洛北門。暮醉秦東市。感君在一言。不惜爲君死。朱家  
曾脫季將軍。田光終酬燕太子。君不見魏其盛時客。

滿門自言一一俱銜恩。魏其旣罷誰復見。養士堂中  
塵網遍。始知結客難。徒言意氣傾南山。食君之祿有  
弗報。何況區區杯酒間。結客不必皆薦紳。緩急叩門  
誰可親。層沽往往有奇士。慎勿輕閤里人。

長相思

長相思。思何長。愁如天絲遠。悠揚搖風曳。日不可量。  
未能絆去足。唯解結離腸。關山碧雲看欲暮。空幃坐  
掩荃蘭香。長相思。思何長。

君馬黃

君馬黃。我馬玄。君馬金。臣我馬錦。連乾兩馬喜。遇

大全集卷一

十三

皆嘶鳴。何異主人相見情。長安大道可竝轡。莫誇得  
意爭先。行搖鞭共踏落花去。燕姬酒壚在何處。

團扇郎

團扇團且潔。人言似明月。明月豈得如長圓。不曾闕

楊白社。百楊奴必

楊白花。太輕薄。不向宮中飛。却度江南落。美人踏踏  
連臂歌。山長水濶奈爾何。奈爾何。春欲晚。何不飛去  
仍飛返。洛陽樹多啼鴉愁。殺人楊白花。

門有車馬客行

門有車馬客。乃是故鄉士。昔別各壯顏。今見不相似。

上堂敘情親拜跪出妻子對案未能食歷歷問桑梓  
當時同遊人十有八九死松柏長新墳荆棘生故址  
歡言方未終悲感還復始因思興謝端歎息不能止

估客詞

上客荊州商小婦揚州娼金多隨處樂不是不思鄉

權歌行

溶漾漢潭清塞荷趁浪平船輕知體弱簪滑見鬢傾  
落日懸江思浮雲結浦情去從千葉隱歸愛一花迎  
吳歛并子夜誰似棹歌聲

雞鳴歌

北斗城頭北斗低萬家夢破一聲雞馬蹄踏踏車轆  
轆闕下連趨市中逐雄雞安得噤爾聲利名少息世  
上爭漫漫夜長人不驚

華山畿

華山畿牛車止不同生可同死棺開棺開與郎去來

長安有狹斜行

長安有狹斜狹斜僅容騎路逢兩俠童廻鞭問君第  
君第渭橋西易覓難復迷長子侍溫室次子籍金閨  
少子備宿衛光耀與兄齊三子每來返雜沓擁輪蹄  
大婦彈鷓籊中婦舞前溪小婦勸杯酒能唱白銅鞮

丈人莫遽起庭樹未烏棲

雙桐生空井

交生碧玉樹竝覆黃金井根通夕潤深葦帶朝光冷  
應有感秋人時來鑑愁影

征婦怨

良人不願封侯印虎符遠發當番陣幾夜春閨惡夢  
多竟得將軍軍覆信身沒猶存舊戰衣東家火伴爲  
收歸妾生不識邊庭路尋骨何由到武威紙幡剪得  
招魂去只向當時送行處

襄陽樂

大全集卷一

十五

門前黃柳鴉雛宿羅幌低垂婢擎燭懸璫結珮略妝  
成日莫相邀漢江曲水靜花寒月小明舟中樓上鬪  
歌聲腸斷年年大堤路南商行過北商行

飲酒樂

七絃五絃角奏一觴兩觴羽行且樂眼中人聚莫憂  
頭上天傾

鳳臺曲

飛裙織霧秋痕薄星漢低宮花漠漠瓊臺夜寒閉羸  
女鶯管參差隔煙語瑤京舊侶招遠遊人間帳冷鴛  
鴦愁海影無塵月如夢仙骨不欺鸞昔重衰蘭泣露

空秦苑。叢玉聲微彩霞遠。

美女篇

美女婉清揚。白晢纖且長。艷色照上國。不殊古姬姜。  
巧笑發令姿。芳詞吐柔腸。耀首有何物。黃金作釵梁。  
珥懸礫珂珠。褱帶霍納香。新服製羅紈。光輝麗青陽。  
上袂繡蛺蝶。下裙織鴛鴦。姍姍步春風。乍見驚欲翔。  
雖有楚大夫。善賦焉能詳。豈徒騁妍媸。况乃持貞良。  
家居闢高門。宛在城中央。過者共傾慕。日晏停上襄。  
借問誰氏子。無非金與張。蹇修豈不勤。通辭重珪璋。  
中懷非所託。鴈幣徒相將。永宵歎遲回。起倚東西廂。  
君子苟未得。年徂諒何傷。

大全集卷一

十六

將軍行

將軍結髮從鞍馬。新領前軍號橫野。面謾不數屠狗  
兒。負勇曾擒射鵬者。狼星掃天芒。角斜大旗獵獵吹。  
風沙黃金傾盡養部曲。匈奴未滅何爲家。前日賢王  
五千騎。直入朝那殺邊吏。天子初聞怒赫然。出師誓  
奪河南北。五營材官元自多。詔書未須徵七科。已御  
明堂推畫轂。還開武庫授彫戈。霸陵原頭軍晚發。北  
出雲中與高闕。單于一夜六騾逃。大漠無人唯漢月。  
塞下從茲烽火稀。朝臣共賀震皇威。人生寧似功成



樂白日長安鼓吹歸

長安道

長樂鐘聲動平津樹色開中郎長戟衛丞相小車來  
新成賜將第更築候神臺誰念公車客空懷作賦才  
洛陽陌

九陌看春光紅塵起相接白玉車中郎綠珠樓上妾  
柳迷臨水影花暎當壚頰日暮過銅駝相逢盡豪俠

悲歌

征途險熾人乏馬饑貧少不如富老美遊不如惡歸  
浮雲隨風零亂四野仰天悲歌泣數行下

大全集卷一

十七

邯鄲郭公歌

郭公舞郭公舞天子無愁亦無苦醉後君臣一笑看  
鄴宮長夜蓼蓼鼓郭公郭公爾莫舞不解平城圍竟  
作長安虜高山摧爲一杯土

車遙遙

鷓鴣啼霜海城白征夫趣裝牛上輓天生兩轂轉長  
途那得令君不爲客出門已遠第一程耳中鳴鐸漸  
無聲房戶寧嗟寂莫守山川唯念苦平行欲車不行  
願車覆還愁損我車中玉安得身如芳草多相隨千  
里車前綠

楚妃歎

章華臺前楚江水。月色墮煙鳥欲起。六宮不敢解羅衣。獵火照山君未歸。

神絃曲

秋燈畫屏熏煙埃。石馬汗流神下來。花衫娑娑絃切切。旋風吹幡愁百結。雌狐學拜戴鬪髻。鬼箭射創血灑秋。老鴉飛散巫姬泣。苦篁嘯雨溪幽幽。

白紵詞

白紵出自吳女工。著來色與素體同。舞時偏向江渚宮。長袖拂起微有風。鶻催管促四座中。攬裾徘徊慘曲終。玉階夜寒零露濃。

大合集卷一

六

其二

出後閣。臨前楹。舞衣皎皎潔且輕。飄如白雲向空行。廻腰流目君已傾。華燈吐燄欺月明。喧譁不聞遺珮聲。菜萸實紅。蘭葉紫干。秋歡樂長如此。妾身得向君前死。

阿那瓊

牛羊草漫野。大帳天山下。十萬控弦兒。聞箏齊上馬。

江南意

妾本南國姝。父母愛如珠。貌豈慙明鏡。身纔稱短襦。

學成采蓮唱。曉出橫塘上。舟小復身輕。隨風兩搖蕩。  
歸時曲岸傍。恰見貴遊郎。輟歌欲轉棹。花淺不堪藏。  
將嗔却成哂。相問那能隱。雖隣郎意深。終嫌妾家近。  
回首各盈盈。南湖月又生。煙波三十里。都是斷腸情。

銅雀妓

鄴宮已罷幸。歌舞尚如期。誰知看月夜。却是望陵時。  
薊澤銷羅薦。松風吹繡帷。妾身未得死。寧當憂色衰。

猛虎行

陰風吹林鳥。鵲悲猛虎欲出人。先知日光曠。曠當路  
坐將軍。一見弧矢墮。幾家插棘高作門。未到日沒收

猪豚。猛虎雖猛。猶可喜。橫行只在深山里。

大全集卷一

七

湘中絃

涼風嫋嫋月。颯颯竹色蘭。香秋水濱。一夜猿聲流淚。  
盡黃陵祠下泊舟人。

獨不見

白日沉大荒。北風下天霜。羅幃猶苦冷。何況戍邊陽。  
別時秦槐青。今復胡草黃。紅淚常自滋。非因效啼妝。  
鴛鴦促夜響。龍鏡掩晨光。相思獨不見。時久愈難忘。

豔曲

日莫淇水上。折花行見歡。鴛鴦蘇合彈。騷裏鏤衢鞍。

其二

當時贈芍藥今日歎薜蘿少年不相顧唯愛執金吾

羽林郎

十五能挽弓入衛葡萄宮武皇深假借父有沒邊功  
秃衿繡羅短馬逸雙銜斷纔出鬪雞坊還過射熊館  
笑擲朱提銀娼樓爛醉春歸時衝市過辟易九衢人  
橫行自無避司隸休相忌明日浚稽山爲君遮虜騎

燕燕于飛

燕燕何處飛相見江南路鶯香細雨春柳色芳煙暮  
纔從箔外歸後向舟前度莫入未央宮身輕有人妬

大全集卷一

字

浮游花

宛宛庭中花狂風忽吹去無涯上入逍遙之雲天下  
沒慘淡之泥沙開落本同何足歎升沉偶異自堪嗟

野田行

白楊樹下誰家墳火燒野草碑無文路傍尚卧雙石  
馬行人指是故將軍當時發卒開陰宅千車送葬城  
東陌子孫今去野人來高處牧羊低種麥平生意氣  
安在哉棘叢暮雨棠梨開百年富貴何足恃雍門之  
琴良可哀

壯士行

無險非高山。無勇非壯士。半夜殺風來。劍寒燈欲死。  
邯鄲才人嫁爲厮養卒婦。

妾能擬趙瑟。舊得君王眷。更衣直夜房。侍酒登春殿。  
出宮非故顏。里婦猶相羨。叢臺罷往夢。破屋流螢見。  
末路多若斯。紛紛貴成賤。

秋風引

嗟爾秋風。胡爲來哉。奏商律兮。瑟颯而悲哀。叩喬柯  
而隕葉。掃廣路以清埃。入班姬之永巷。過襄王之高  
臺。瑤琴自鳴。羅幃齊開。馬蕭蕭而嘶起。鴻噉噉以翔  
廻。使崩雲駭浪。振蕩於白日。今忽欲去而徘徊。客有  
懷鄉失職。而對此者。恨盈襟而難裁。但欲變天地之  
搖落。不知感節序之摧頽。秋風生。歸去來。

涼州詞

蓬婆城下淨無花。慘慘黃雲漠漠沙。卷葉誰將番曲  
奏。白頭都護亦思家。

其二

關外垂楊早換秋。行人落日旆悠悠。隴頭高處愁西  
望。只有黃河入海流。

虞美人曲

明月帳中泣。悲風營外歌。彷徨夜驚起。何事楚人多。

築城詞

迴燈擁綠髻向劍蹙青蛾致命自無恨君王其奈何  
去年築城卒霜壓城下骨今年築城人汗灑城下塵  
大家舉杵莫任手城高不用官軍守

永嘉行

帝衣濺血忠臣死五部初興屠各子宣陽門外曉吹  
笳持戟誰爲衛宮士滿城草綠胡馬嘶內家散作軍  
中妻六疊相隨渡河去月明歸夢遂成迷萬里中原  
非典午至今人說王夷甫

神女宛轉歌

大合集卷一

三

駐君舟相見盡綢繆已遣大姬傾鑿落復令小婢進  
瑩篋歌宛轉宛轉意何長願爲灰與火同泛玉爐香  
其二

解妾珮相貽慰離異愁逐朝霞天際生歡隨秋水江  
頭逝歌宛轉宛轉情相續願爲絃與軫共奏瑤琴曲  
東門行

出東門暮歸來入室四壁空突中無煙甑生埃弱妻  
蓬頭稚子瘦使我心下忽有哀安能學東方生空抱  
國士才身長七尺齒編貝索米不得取笑哈雞鳴東  
門早欲開仗劍當遠去不乘駟馬不復迴妻前拂衣

言君可棄妾奈此呱呱孩君莫憂無糧田中已生稊  
君莫憂無裳機中布成尚可裁不須苦慕富貴富貴  
多有害蓄賤妾與君同居死即共作山下灰吾欲  
行為徘徊仰視蒼天重咄哉

高李迪先生大全集卷之二

樂府

愛妾換馬曲

出帷掩紅袂。離殿結青絲。我取躡雲足。君憐羞月姿。  
惟當樹功業。詎必戀恩私。回首各已遠。春山將暮時。  
美人磨鏡詞

匣中舊鏡龍蟠背。昏盡如同月逢晦。尋得街頭負局翁。  
粉鉛和汞拭青銅。須臾瑩徹無纖翳。試整朝來暗梳髻。  
光明還在只如新。悔向塵埃久相棄。明日照儂白畫眉。  
不須問即宜不宜。

大全集卷二

朝鮮兒歌

朝鮮兒髮綠。初剪齊雙睂。芳筵夜出對歌舞。木綿裘軟銅環垂。  
輕身回旋細喉轉。蕩月搖花醉中見。夷語何須問。譯人深情知。  
訴離鄉怨。曲終拳足拜客前。烏啼井樹蠟燈然。共訝玄菟隔雲海。  
兒今到此是何緣。主人爲言曾遠使。萬里好風三日至。鹿走荒宮亂寇  
過。雞鳴廢館行人次。四月王城麥熟稀。兒行道路兩啼飢。  
黃金擲買傾裝得。白飲分餐趨舶歸。我憶東藩內臣日。納女椒房被褱。  
教坊此曲亦應傳。特奉宸



遊樂朝夕中。國年來亂未鋤。頓令貢使入朝無。儲皇  
尚說居靈武。丞相方謀卜許都。寸邊幾株柳。依  
舊春風無恙否。小臣撫事憶昇平。尊前淚瀉多於酒。

野老行

桑扈初鳴麥花落。大家小家蠶滿箔。村中無吏夜捉  
人。老身醉歸行失脚。自從明府一下車。短衣糲飯即  
有餘。姓名免籍弓弩手。新婦辟繡兒讀書。縣門前頭  
柳飛絮。春風又隨官馬去。雞鳴相送拜道邊。願公受  
取一大錢。

秋江曲送顧使君

大全集卷二

二

秋江月滿秋潮大。江上行人待潮過。別離休說渡江  
難。半日順風船穩坐。楚江茫茫荻花平。使君來時雄  
雉鳴。子弟從軍隔江去。幾家猶住夕陽城。水田雖荒  
飯常足。芡米夜春二十斛。誰道繁華不及前。戶無征  
稅官無獄。渡江渡江君莫畱。江北樂似江南秋。

湖州歌送陳太守

草茫茫。水汨汨。上田蕪。下田沒。中田有麥牛尾稀。種  
成未足輸官物。侯來桑下搖玉珂。聽儂試唱湖州歌。  
湖州歌。惜終闕。幾家愁。苦荒村。月。

秦箏曲

嬌絃細語發研羅臂動玉釧鳴相和關雲隴月愁思  
多愁思多聽此曲停蜀琴罷燕筑

從軍行

關中惡少年召募去防邊匈奴入寇塞將軍下自天  
揚旌三道出列格五營連龍城望兵氣馬邑斷人煙  
星攢烽夜舉月偃陣朝圓渴飲疏勒水饑餐屬國羶  
名勇單于憚功多天子憐寧令寶車騎獨擅勒燕然

大梁行

大梁四面平如砥西去咸陽一千里魏王此地昔爲  
都宮闕中天碧雲起車聲鞦韆夜未休帶甲十萬名

大全集卷二

三

蒼頭撞鐘列鼎宴上客奉金走幣連諸侯信陵真是  
賢公子富貴不驕天下士已訪侯嬴到里門復迎朱  
亥經屠市傾身折節世莫同緩急竟賴斯人功邯鄲  
秦軍一椎破七國震動聞英風古城重過爲搔首幾  
度秋風落楊柳沼上應無鴻鴈來苑中只有狐狸走  
立馬塵沙日欲昏悲歌感慨向夷門豪華多少同銷  
歇獨有高名今尚存

東飛伯勞歌

前飛蜻蜓後飛蝶桃葉楊枝每相接誰家季女弄春  
妍披煙映日窗戶前金雀雙釵翠羽扇纈屣黼帳文

羅薦嬌羞年幾十五多。將呈復隱奈愁何。流暉倏沒  
百花暝。空持可憐誰作竝。

春江花月夜

皓月金波滿。奇花玉樹新。浮輝與流艷。併弄一江春。  
還持誰可比。結綺閣中人。

踏歌行

香塵和露踏。底泥花下風。寒鬢脚低。夜靜高樓有人  
聽。起頭一句唱教齊。

子夜四時歌

白白復朱朱。芳條冒繡襦。摘來隨女伴。賽鬪不曾輸。

大合集卷二

四

紅妝何草草。晚出南湖道。不忍便回舟。荷花似郎好。  
堂上織流黃。堂前看月光。羞見天孫度。低頭入洞房。  
空幃擁爐坐。夜冷微紅滅。郎意似殘灰。無因得重熱。

迎送神曲

薦芳兮奠醑。斲冰爲梁兮葺荷。以爲宇神不來兮孰  
與處。空山愀兮暮多雨。渺吾望兮瀟湘雲冥冥兮水  
茫茫。有美人兮在堂。盍歸來兮故鄉。

導赤鯉兮從玄。鼉冷風回兮水驚波。儼靈旗兮來下  
坐。撫節兮安歌。安歌兮未急。條廻軒兮山之側。南有  
淵兮北有湫。神不畱兮我心憂。願歲來兮惠我秋。

有所思

有所思今安在煙霞迢迢隔南海昔年遺我翡翠裘  
篋中久閉銷光彩宛如神仙在瀛州乘濤欲至風引  
舟同心之人乃離阻嗟我處此將何求

吁嗟篇

惻惻抱深隱靡靡踰崇丘凜凜歲欲徂役役車未休  
不辭車未休但傷歲莫留窮陰蔽九野徒旅同時憂  
豺虎當路啼猿猴出林遊我飢雪作糧我寒又無裘  
徒思陽春日誰返羲和轡天時自有常淚下還復收

擊筑吟贈張贊軍

大全集卷二

五

擊筑上君堂君心不可忘哀聲流易水憤氣激咸陽  
不向諸侯座寧來刺客場今朝持前奏爲我一停觴

苦哉遠征人

悠悠荷戈子謫發事遠征遠征無窮期千里萬里程  
瞻斗知鄉遠覽物悟歲更霜露鑠肌膚弊鎧蟻虱生  
况茲三邊虜驕黠未易平聞笳已心摧赴刃仍骨驚  
軍興有嚴誅賤命顧自輕區區在行間敢望竹帛名  
奈何久不還主將功未成誰憐城南室思婦感鵲聲

鑿渠諒

鑿渠深一十尋鑿渠廣八十丈鑿渠未苦莫嗟吁黃

河曾開千丈餘君不見賈尚書

荆門壯士歌

水洶洶冰差差荆門葉黃杪秋時上有騰攫之猿猱  
下有饞嚙之蛟螭悲哉此路難孰敢徑渡之三撫髀  
壯士起劔風駭勞髮上指仰天長歌不見星哀鴻夕  
叫雲冥冥

柳仙夢蓮

城虎詞

候潮門開啼早鴉有虎忽入居人家母兒畏窟雞夫  
伏排籬突戶誰能遮寧風動樹初哮吼驚起東營捉  
生手怒拔長戈試一春目光落地倕魂走南山藜藿  
深冥冥白日橫行誰敢攖胡為離窟來城市牙爪雖  
全不能恃君不見壯士遭急縛失路窮時亦如此

寒夜吟

月下凍痕生綠井隔簾霜片飛無影樹枝風息轉凝  
寒愁人如鳥棲未安夜短夜長應獨覺熒熒殘燭鳴  
鳴角仙居石原

成婦詞 二十字中色括斧許

妾在當秦姑即行當報君男女各有役死生從此分

羈旅行

馬頭北風吹地白手冷時驚墮鞭策隻埃欲來雙埃

過客程不盡關山多。狐狸縱橫古城壞。旗折官亭無酒賣。土風處處殊故園。鄉音只聞僮僕言。天涯歲晚無相識。囊金已空歸不得。暝投人家自炊黍。土屋青燈鴈啼雨。此時暫解羈旅憂。夢與家人夜深語。人生出門即苦辛。何況長爲萬里身。遠遊縱得功名好。不如貧賤鄉中老。

小長干曲

郎采菱葉尖。妾采荷葉圓。石城愁日暮。各自撥歸船。

春江行

春江南北疑無岸。綠草綠波連不斷。一女紅妝出浣紗。恰如鏡裏見桃花。袂衣猶冷過寒食。雲度春陰半江黑。浦口風多潮正深。輕舟搖蕩似人心。鷓鴣暮啼歸路遠。飛絮茫茫楚王苑。

寄衣曲

郎寒甚。妾寒持衣向燈泣。不是手縫遲。綿多針線澀。賜袍非不煖。妾製稱郎身。寄去龍堆遠。端愁到已春。

其二

廢宅行

鳴珂坊裏將軍第。列戟齊收朱戶閉。里媪逢人說舊時。有廬被奪廣園池。今年沒入官爲主。散盡堂中義

宅兒廚煙久斷無梁肉羣鼠來入鄰屋官封未與  
別人居日日間苔雨添綠曲閣深沉接後房畫屏生  
色暗無光尋常不敢偷窺處守卒時來拾墜璫春風  
多少奇花樹又有豪家移得去

青樓怨

浴金熏爐鏤玉奩蘭香今夜爲君添烏棲黃昏鳥起  
曙纔見道來還道去

聞角吟

驚起黃榆塞下鴻一聲鳴帆戍樓空此時吹動關山  
意十萬征人歸夢中玉帳尋弓夜初起月白不知霜

大全集卷二

八

似水餘聲散作滿天愁風吹不入單于壘

刺促行

刺促復刺促天高白日遠黃鵠長苦飢烏鳶飛食肉  
促刺復促刺長途多荆棘但見今人行不逢古人跡

牧牛詞

爾牛角彎環我牛尾禿速共拈短笛與長鞭南隴東  
岡去相逐日斜草遠牛行遲牛勞牛飢惟我知牛上  
唱歌牛下坐夜歸還向牛邊臥長年牧牛百不憂但  
恐輸租賣我牛

捕魚詞

後網初沉前網起。夫婦生來業淘水。忽驚網重力難牽。打得長魚滿船喜。不教持賣去南津。且向江頭祭水神。願得年年神作主。無事全家卧煙雨。不論城中魚貴賤。換得酒歸饌。不怨。

養蠶詞

東家西家罷來往。倩日深窗風雨響。二眠蠶起食葉多。陌頭桑樹空枝杲。新婦守箔女執筐。頭髮不梳一月忙。三姑祭後今年好。滿簇如雲繭成早。檐前綵車急作綵。又是夏稅相催時。

射鴨詞

大全集卷二

九

射鴨去。清江曙。射鴨返。廻塘晚。秋菱葉爛。煙雨晴。鴨羣未下。媒先鳴。草翳低。遮竹弓。鼓水。冷田空。鴨多瘦。行舟莫來使。鴨驚得食。忘猜正。相鬪。背啞啞。毛襪襪。潛機一發。那得知。

伐木詞

竹擔挑多兩肩。赤礪斧時尋澗邊。石老夫氣力秋漸衰。易斫喜有枯林枝。白雲無人暗空谷。遠聲丁丁如啄木。暮歸待伴不獨行。前途虎多荆棘生。長年不曾到。城府聞比山中路。尤阻。

打麥詞



維雛高飛夏風煖行割黃雲隨手斷疎莖短若牛尾  
垂去冬無雪不相宜場頭負歸日色白穗落連枷聲  
拍拍呼兒打曬當及時雨來怕有飛蛾生卧驅鳥雀  
非愛惜明年好收從爾食

采茶詞

雷過溪山碧雲煖幽叢半吐槍旗短銀釵女兒相應  
歌筐中摘得誰最多歸來清香猶在平高品先將呈  
太守竹爐新焙未得嘗籠盛販與湖南商山家不解  
種禾黍衣食年年春雨

賣花詞

大合集卷二

十

綠盆小樹枝枝好花比人家別開半陌頭擔得春風  
行美人出簾聞叫聲移去莫愁花不活賣與還傳種  
花訣餘香滿路日暮歸猶有蜂蝶相隨飛買花朱門  
幾廻改不如擔上花長在

以上皆是新采於按時

洞房曲

洞房香吐合昏花月轉勾闌啼乳鴉今宵有酒畱君  
醉不信娼家勝妾家

待月詞

漏板敲愁夜驚冷露井桃花溼無影海風吹星銷碧  
煙翠妃妝遲鏡未懸素鸞不來桂香死雲外紫篁呼

夢起瓊樓欲開天半。徘徊望拜娥池東。蘭闥未返  
燈寒後。恰似前宵待郎久。似此。

惜花歎 長唐李益

惜花不是愛花嬌。賴得花開伴寂寥。樹樹長懸鈴索  
護。叢叢頻引鹿盧澆。幾回欲折花枝嗅。心恐花傷復  
停手。每來花下每題詩。不到花前不持酒。準擬看花  
直盡春。春今未盡已愁人。纔畱片萼依前砌。全落千  
英過別鄰。懊惱園中妒花女。畫簷不禁狂風雨。流水  
殘香一夜空。黃鸝。斷無言。語。縱有星星在。蘇衣。拾  
來已覺損光輝。只應獨背東窗臥。夢裏相隨高下飛。

大合集卷二

十一

照鏡詞

君家青銅鏡。價重比黃金。空持照人而不持。照人心。

田家行

飲在芙蓉唐詩張籍作

草茫茫。水汨汨。上田蕪。下田沒。中田有禾穗。不長。狼  
籍只供鳧鴈糧。雨中摘歸半生溼。新婦春炊兒夜泣。

憶遠曲

揚子津頭風色起。郎帆一開三百里。江橋水榭多酒  
壚。女兒解歌山鷓鴣。武昌西上巴陵道。聞郎處處經  
過好。櫻桃熟時郎不歸。客中誰為縫春衣。陌頭空聞  
琵琶卜。欲歸不歸在郎足。郎心重利輕風波。在家日

少行路多。妾今能使烏頭白。不能使郎休作客。

金井怨

照水羞見影。汲水嫌手冷。閒立梧桐陰。烏啼秋夜永。

送客曲

送客車在門。勸客杯在手。明日長安花。今夜宜城酒。  
願客飲。此勿復辭。我無黃金爲客壽。人生無處無弟  
兄。鄉里刺促誰知名。賣書買得百金劍。有身須向關  
山行。馬四蹄。車兩轂。行人欲發休躑躅。嚶嚶雞鳴赤  
日旭。

里巫行

大合集卷二

十三

里人有病不飲藥。神君一來疫鬼却。走迎老巫夜降  
神。白羊赤鯉縱橫陳。男女殷勤案前拜。家貧無穀神  
勿怪。老巫擊鼓舞。且歌紙錢索索陰風多。巫言汝壽  
當止此。神念汝虔賒汝死。送神上馬。巫出門。家人登  
屋啼招魂。

主客行

主人楚歌客楚舞。落日黃雲鴈聲苦。笑拂腰間寶劍  
光。美人滿堂色如土。大兒北海人中奇。小兒能讀曹  
娥碑。相逢且莫歎貧賤。但願有酒無別離。君不見平  
原墓上生秋草。國士無窮道。傍老。

春夜詞

杏燭溼鬢秋遷下。銀蠟光寒曲屏畫。數漏閒過每睡時。月明微見墮游絲。欲歸自踏娉婷影。風動玉釵花亦冷。屋貯嬌愁鎖幔紗。青絲嘶騎醉誰家。管絃不動空臺謝。夢與烏衣語中夜。

新絃曲

舊絃解新絃張。冰絲牽愁六尺長。寬急頓從指邊聽。金鴈參差移不定。新絃響高調易促。不如舊絃彈已熟。憐新厭舊妾恨深。爲君試奏白頭吟。他日愁如舊絃棄。泣向羅裙帶頭繫。

大全集卷二

十三

竹枝歌

蜀山消雪蜀江深。郎來妾去鬪歌吟。峽中自古多情地。楚王神女在山陰。

其二

魚復浦上石纍纍。恰似儂心無轉迴。船歸莫道上灘惡。自牽百丈取郎來。

其三

江水出峽過夔州。長流直到海東頭。郎行若有思家日。應教江水復西流。

其四

躑躅花紅鴨鴉飛黃牛廟下見郎稀  
大舩攤錢賣鹽去短釵簪葉負薪歸

其五

妾愛看花下渚宮郎思沽酒醉臨叩  
春衣未織機中錦只是長絲那得縫

其六

楓林樹樹有猿啼若箇聽來不慘悽  
今夜郎舟宿何處巴東不在定巴西

轉應詞

雙燕雙燕去歲今年相見往來東舍  
西家衝得泥中

大全集卷二

十四

落花花落花落人在暮寒池閣

其二

疎雨疎雨綠滿蘼蕪洲渚江南相憶  
故人遠水遙山暮春春暮春暮春暮  
風急畫船難渡

五雜組

五雜組駝背羈往復還渡口船不獲  
已非少年

其二

五雜組錦繡旗往復還更戍兒不獲  
已遭亂離

五噫歌

弔梁伯鸞墓

顧瞻亭臯兮噫丘墳有蒿兮噫鬻春  
亦勞兮噫危邦

可逃兮噫先生何高兮噫

墨韻吳宮詞

筵前憐嬋娟醉媚睡翠被精兵驚升城棄避愧墜淚  
鶴媒歌

鶴媒獨步荒陂水仰望雲間飛不起遠看過鳥下南  
汀鼓翼相迎似相喜共爲羽族生水鄉暫從飲啄無  
猜防草盾俄開中潛弩弋師歡笑媒矜舞嗟爾高潔  
非凡禽胡爲徇食移此心受人馴養志遠舉好陷同  
類機腸深嗚呼世間幾人號君子得種相傾亦如此

牛宮詞

大全集卷二

十五

豕豢于苙雞棲于埘嗟爾烏捷何所止斯歲聿云暮  
雨霜以風乃築環堵以爲爾宮旣用爾力宜恤爾寒  
庇處密固我心孔安

照田蠶詞

東村西村作除夕高炬千竿照田赤老人笑祝小兒  
歌願得宜蠶又宜麥明星影亂棲烏驚火光辟寒春  
已生夜深然罷歸白屋共說豐年真可卜

琴操

風樹操

予自傷早失恃怙所作

朝風之飄飄兮維樹之搖搖兮吾思親之翹翹兮夕

風之烈烈兮維樹之揭揭兮吾思親之惓惓兮樹之  
有風猶可息兮吾之無親終不可復得兮

之荆操

予思泰伯之德而作

粵我有土岐山之下孰是營之維我考祖今我于邁  
自岐祖荆豈不懷歸念我弟兄民勿我思我斯安只  
國已有後先君季子

登丘操

登青丘有懷而作

驅車兮與馬蹇君行兮胡爲乎在中野登彼兮崇丘  
下茫茫兮九州思君子兮不得與駕以遊山有出雲  
兮木亦有柯我將歸兮憂之如何

大全集卷二

十六

望歸操

哀周復子死於虎而作

兒旦而出于山之麓兮兒夕不歸在虎之腹兮我往  
無所榛蒙籠被谷兮嗟爾耽耽弗食我豕犢兮穴亦  
有子胡寧使我獨兮

辭

望虞山辭

虞山峩峩兮出雲油油胡斂其施兮弗雨九州下有  
蛟龍兮海波橫流誰使子來兮從伯氏以遊朝于濟  
兮望岐周國有祀兮又何求唐虞逝兮道阻修慚德  
興兮干戈日休我思夫人兮心焉孔憂

放鶴辭 登支遁放鶴亭而作

放鶴去當高飛啄莫爭雞鶩食遊莫近虞羅機雲山  
海嶠堪來往明月千秋待爾歸

弔伍子胥辭

覽勾吳之故墟兮灌莽鬱其龍蔥館娃廢而爲沼兮  
歸伍胥之遺宮奚干祀而勿毀兮繫若人之死忠昔  
窮逋而渡江兮奮孤跡於羈旅旣入郢而雪恥兮又  
棲越而懷侮使彼吳之強大兮非夫子而孰爲何夫  
差之自喜兮遽忽戒而荒娛陳昌言之悃欵兮實不  
忍視國之阨危衆以子爲巨信兮肆讒辭之詆欺夫

大全集卷二

十七

豈不能全身遠適以自庇兮顧先王之舊德卒待隕  
而坳言兮恨終不能悟君之變惑載鴟夷兮浮游魂  
惇惇兮在中流江神念子兮哀憤鼓洪濤於高秋嗟  
君子之出輔兮孰不願爲伊臯使言從而志行兮致  
雍熙之陶陶何齟齬而多患兮惟重華之不可以屢  
遭鄂侯諍而就醢兮龍逢諫而見屠蓋自古而有之  
兮匪夫子獨罹乎此辜身雖歿而義安兮又舍是將  
焉索彼循默而苟容兮寧獲免乎泚額想子猶念大  
故都兮或乘雲而來歸顧荆棘之多露兮應攬涕而  
歔歔余亦何爲而感慨兮懼直道之墜也聊陳詞而



表烈兮亦邦人之志也

三言

梧桐園

桐花香桐葉冷。生宮園。覆宮井。雨滴夜。風驚秋。鳳不  
來。君王愁。

三言

王伯敬歌

舟初維琴始薦驛亭邊夜相見歌宛轉情綢繆解環  
珮彈箜篌歌易闌情難歇江波寒墮明月綠壺再傾  
芳音欲違譬彼林鳥逢晨各飛羅衣沾霜城烏忽起

大全集卷二

九八

明日相思孤棹千里

青邱系府於張王名區於以石純步武威中唐者以共合言  
文初叔七夜長以落也言乃為伍長日沈宋元



05497

